

雜阿含經卷第二十八

聲八

宋天竺三藏求那跋陀羅譯

如是我聞一時佛住舍衛國祇樹給孤獨園  
爾時世尊告諸比丘如日出前相謂明相初  
光如是比丘正盡苦邊究竟苦邊前相者所

第十八

謂正見彼正見者能起正志正語正業正命

正方便正念正定起定正受故聖弟子心正

解脫貪欲瞋恚愚癡如是心善解脫聖弟子

得正知見我生已盡梵行已立所作已作自  
知不受後有佛說此經已諸比丘聞佛所說

歡喜奉行

如是我聞一時佛住舍衛國祇樹給孤獨園  
爾時世尊告諸比丘若無明爲前相生諸  
惡不善法時隨生無慙無愧無慚無愧生已  
隨生邪見邪見生已能起邪志邪語邪業邪

命邪方便邪念邪定若起明爲前相生諸善  
法時慚愧隨生慚愧生已能生正見正見生  
已起正志正語正業正命正方便正念正定  
次第而起正定起已聖弟子得正解脫貪欲  
瞋恚愚癡如是聖弟子得正解脫已得正知  
見我生已盡梵行已立所作已作自知不受  
後有佛說此經已諸比丘聞佛所說歡喜奉  
行

如是我聞一時佛住舍衛國祇樹給孤獨園  
爾時世尊告諸比丘若比丘諸惡不善法生  
一切皆以無明爲根本無明集無明生無明  
起所以者何無明者無知於善不善法不如  
實知有罪無罪下法上法染汙不染汙分別  
不分別緣起非緣起不如實知不如實知故  
起於邪見起於邪見生已能起邪志邪語邪業

邪命邪方便邪念邪定若諸善法生一切皆以明爲根本明集明生明起明於善不善法如實知有罪無罪親近不親近卑法勝法穢汙白淨有分別無分別緣起非緣起悉如實知如實知者是則正見正見者能起正志正

聲八二

語正業正命正方便正念正定正定起已聖

弟子得正解脫貪恚癡貪恚癡解脫已是聖弟子得正智見我生已盡梵行已立所作已作自知不受後有佛說此經已諸比丘聞佛

所說歡喜奉行

如是我聞一時佛住舍衛國祇樹給孤獨園爾時世尊告諸比丘若在家若出家而起邪事者我所不說所以者何若在家出家而起邪事者則不樂正法何等爲邪事謂邪見乃至邪定若在家出家而起正事我所讚歎所

以者何起正事者則樂正法善於正法何等爲正事謂正見乃至正定爾時世尊即說偈言

在家及出家 而起邪事者 彼則終不樂無上之正法 在家及出家 而起正事者

彼則常心樂 無上之正法

佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園爾時迦摩比丘詣佛所稽首佛足退坐一面

白佛言世尊所謂欲者云何爲欲佛告迦摩

聲八三

欲謂五欲功德何等爲五謂識眼色可愛可意可念長養欲樂如是耳鼻舌身識身觸可愛可意可念長養欲樂是名爲欲然彼非欲於彼貪著者是名爲欲爾時世尊即說偈言世間雜五色 彼非爲愛欲 貪欲覺想者

是則士夫欲衆色常住世行者斷心欲  
迦摩比丘白佛言世尊寧有道有跡斷此愛  
欲不佛告比丘有八正道能斷愛欲謂正見  
正志正語正業正命正方便正念正定佛說  
此經已迦摩比丘聞佛所說歡喜奉行

如是我聞一時佛住舍衛國祇樹給孤獨園  
時有比丘名阿梨瑟吒詣佛所稽首佛足退  
坐一面白佛言世尊所謂甘露者云何名爲  
甘露佛告阿梨瑟吒甘露者界名說然我爲  
有漏盡者現說此名阿梨瑟吒比丘白佛言  
世尊有道有跡修習多修習得甘露法不佛  
告比丘有所謂八聖道分謂正見乃至正定  
佛說此經已諸比丘聞佛所說歡喜奉行  
如是我聞一時佛住舍衛國祇樹給孤獨園  
爾時尊者舍利弗詣佛所稽首佛足退坐一

面白佛言世尊所謂賢聖等三昧根本衆具  
云何爲賢聖等三昧根本衆具佛告舍利弗  
謂七正道分爲賢聖等三昧爲根本爲衆具  
何等爲七謂正見正志正語正業正命正方  
便正念舍利弗於此七道分爲基業已得一  
其心是名賢聖等三昧根本衆具佛說此經  
已諸比丘聞佛所說歡喜奉行

如上三經如是佛問諸比丘三經亦如是說  
如是我聞一時佛住舍衛國祇樹給孤獨園  
爾時世尊告諸比丘無母子畏有母子畏愚  
苦  
四

寢無聞凡夫所說而不能知無母子畏有母  
子畏諸比丘有三種無母子畏愚寢無聞凡  
夫所說何等爲三諸比丘有時兵凶亂起殘  
害國土隨流波逆子失其母母失其子是名  
第一無母子畏愚寢無聞凡夫所說復次比

丘有時大火卒起焚燒城邑聚落人民馳走母子相失是名第二無母子畏愚癡無聞凡夫所說復次比丘有時山中大雨洪水流出漂沒聚落人民馳走母子相失是名第三無母子畏愚癡無聞凡夫所說然此等畏是有母子畏愚癡無聞凡夫說名無母子畏彼有時兵凶亂起殘害國土隨流波逆母子相失或時於彼母子相見是名第一有母子畏愚癡無聞凡夫說名無母子畏復次大火卒起焚燒城邑聚落人民馳走母子相失或復相見是名第二有母子畏愚癡無聞凡夫說名無母子畏復次山中大雨洪水流出漂沒聚落此人馳走母子相失或尋相見是名第三有母子畏愚癡無聞凡夫說名無母子畏比丘有三種無母子畏是我自覺成三菩提之

所記說何等爲三若比丘子若老時無母能語子汝莫老我當代汝其母老時亦無子語母今莫老我代之老是名第一無母子畏我自覺成三菩提之所記說復次比丘有時子病母不能語子令莫病我當代汝母病之時子亦不能語母莫病我當代母是名第二無母子畏我自覺成三菩提之所記說復次子若死時無母能語子今莫死我今代汝母若死時無子能語母今莫死我當代母是名第三無母子畏我自覺成三菩提之所記說諸比丘白佛有道有跡修習多修習斷前三種有母子畏斷後三種無母子畏不佛告比丘有道有跡斷彼三畏何等爲道何等爲跡修習多修習斷前三種有母子畏斷後三種無母子畏謂八聖道分正見正志正語正業正

命正方便正念正定佛說此經已諸比丘聞  
佛所說歡喜奉行

如是我聞一時佛住舍衛國祇樹給孤獨園  
爾時世尊告諸比丘有三受無常有爲心所  
緣生何等爲三謂樂受苦受不苦不樂受諸

比丘白佛世尊有道有跡修習多修習斷此  
三受不佛告比丘有道有跡修習多修習斷  
此三受何等爲道何等爲跡修習多修習斷  
此三受佛告比丘謂八聖道正見正志正語  
正業正命正方便正念正定佛說此經已諸

比丘聞佛所說歡喜奉行

如是我聞一時佛住舍衛國祇樹給孤獨園  
爾時世尊告諸比丘世有三法不可喜不可  
愛不可念何等爲三謂老病死此三法不可  
喜不可愛不可念世間若無此三法不可喜

聲八

六

不可愛不可念者無有如來應等正覺出於  
世間世間亦不知有如來說法教誠教授以  
來應等正覺出於世間世間知有如來說法  
教誠教授諸比丘白佛有道有跡斷此三法  
不可喜不可愛不可念者不佛告比丘有道  
有跡修習多修習斷此三法不可喜不可愛  
不可念何等爲道何等爲跡修習多修習斷  
此三法不可喜不可愛不可念謂八聖道正  
見正志正語正業正命正方便正念正定佛  
說此經已諸比丘聞佛所說歡喜奉行

如是我聞一時佛住舍衛國祇樹給孤獨園  
爾時世尊告諸比丘我當說學及無學諦聽  
善思念之何等爲學謂學正見成就學正志  
正語正業正命正方便正念正定成就是名

爲學何等爲無學謂無學正見成就無學正志正語正業正命正方便正念正定成就是名無學佛說此經已諸比丘聞佛所說歡喜奉行

如學無學如是正士如是大士亦如是說

如是我聞一時佛住舍衛國祇樹給孤獨園華入七

爾時世尊告諸比丘我今當說修八聖道諦聽善思何等爲修八聖道是比丘修正見依遠離依無欲依滅向於捨修正志正語正業正命正方便正念正定依遠離依無欲依滅

如是我聞一時佛住舍衛國祇樹給孤獨園爾時世尊告諸比丘我今當說比丘過去已修八聖道未來當修八聖道乃至諸比丘聞佛所說歡喜奉行

如是我聞一時佛住舍衛國祇樹給孤獨園

爾時世尊告諸比丘我今當說八聖道分何等爲謂正見正志正語正業正命正方便正念正定佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園爾時世尊告諸比丘若比丘正見清淨鮮白無諸過患離諸煩惱未起不起唯除佛所調伏乃至正定亦如是說若正見清淨鮮白無

諸過患離諸煩惱未起能起乃至正定亦如是說佛說此經已諸比丘聞佛所說歡喜奉行

如除佛所調除善逝所調亦如上說

如是我聞一時佛住舍衛國祇樹給孤獨園

爾時世尊告諸比丘說不善聚者謂五蓋是

爲正說所以者何純一不善聚者所謂五蓋何等爲五謂貪欲蓋瞋恚睡眠掉悔疑蓋說善法聚者所謂八聖道是名正說所以者何純一滿淨善聚者謂八聖道何等爲八謂正見正志正語正業正命正方便正念正定佛說此經已諸比丘聞佛所說歡喜奉行

如是我聞一時佛住王舍城山谷精舍時尊者阿難獨一靜處作如是念半梵行者謂善知識善伴黨善隨從乃至佛告阿難純一滿

淨具梵行者謂善知識所以者何我爲善知識故令諸衆生修習正見依遠離依無欲依滅向於捨乃至修正定依遠離依無欲依滅向於捨佛說此經已尊者阿難聞佛所說歡喜奉行

如是我聞一時佛在舍衛國祇樹給孤獨園

爾時尊者阿難晨朝著衣持鉢入舍衛城乞食時有生聞婆羅門乘白馬車衆多年少翼從白馬白車白鞋白鞭頭著白帽白傘蓋手執白拂著白衣服白瓔珞白香塗身翼從皆

九

白出舍衛城欲至林中教授讀誦衆人見之咸言善乘善乘謂婆羅門乘時尊者阿難見婆羅門眷屬衆具一切皆白見已入城乞食還精舍舉衣鉢洗足已往詣佛所稽首禮足退坐一面白佛言世尊今日晨朝著衣持鉢

入舍衛城乞食見生聞婆羅門乘白馬車眷屬衆具一切皆白衆人唱言善乘善乘謂婆羅門乘云何世尊於正法律爲是世人乘爲是婆羅門乘佛告阿難是世人乘非我法律婆羅門乘也阿難我正法律乘天乘婆羅門乘大乘能調伏煩惱軍者諦聽善思當爲汝說阿難何等爲正法律乘天乘婆羅門乘大乘能調伏煩惱軍者謂八正道正見乃至正定阿難是名正法律乘天乘梵乘大乘能調伏煩惱軍者爾時世尊即說偈言

信戒爲法輶 慚愧爲長糜 正念善護持  
以爲善御者 捨三昧爲轍 智慧精進輪  
無著忍辱鎧 安隱如法行 直進不退還  
示之無憂處 智士乘戰車 �摧伏無智怨  
如是我聞一時佛住舍衛國祇樹給孤獨園

爾時世尊告諸比丘應離邪見應斷邪見若邪見不可斷者我終不說應離斷邪見以邪見可斷故我說比丘當離邪見若不離邪見者邪見當作非義不饒益苦是故我說當離邪見如是邪志邪語邪業邪命邪方便邪念邪定亦如是說諸比丘離邪見已當修正見若不得修正見者我終不說修習正見以得修正見故我說比丘應修正見若不修正見者當作非義不饒益苦以不修正見作非義不饒益苦故是故我說當修正見以義饒益常得安樂是故比丘當修正見如是正志正語正業正命正方便正念正定亦如是說佛說此經已諸比丘聞佛所說歡喜奉行

聲入 +

如是我聞一時佛住舍衛國祇樹給孤獨園時有生聞婆羅門來詣佛所與世尊面相問

訊慰勞問訊慰勞已退坐一面白佛言瞿曇謂非彼岸及彼岸瞿曇云何非彼岸云何彼岸佛告婆羅門邪見者非彼岸正見者是彼岸邪志邪語邪業邪命邪方便邪念邪定非彼岸正見是彼岸正志正語正業正命正方

便正念正定是彼岸爾時世尊即說偈言

希有諸人民能度於彼岸一切諸世間徘徊遊此岸於此正法律能善隨順者斯等能度彼生死難度岸

時生聞婆羅門聞佛所說歡喜隨喜從座起

去

智是異比丘聞尊者阿難問佛問諸比丘此三經亦如上說

如是我聞一時佛住舍衛國祇樹給孤獨園爾時世尊告諸比丘於內法中我不見一法

卷八

十一

能令未生惡不善法生已生者重生令增廣如說不正思惟者諸比丘不正思惟者未起邪見令起已起重生令增廣如是邪志邪語邪業邪命邪方便邪念邪定亦如是說諸比丘於內法中我不見一法令未生惡不善法不生已生惡不善法令滅如說正思惟者諸比丘正思惟者未生邪見令不生已生者令滅如邪見邪志邪語邪業邪命邪方便邪念邪定亦如是說佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園爾時世尊告諸比丘於內法中我不見一法未生善法不生已生善法令退如說不正思惟者諸比丘不正思惟者未生正見令不生已生正見令退如是未生正志正語正業正

命正方便正念正定令不生已生者令退諸比丘於內法中我不見一法令未生善法令生已生善法重生令增廣如說正思惟者諸比丘正思惟者未生正見令生已生正見重生令增廣如是未生正志正語正業正命正方便正念正定令生已生者重生令增廣佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園爾時世尊告諸比丘於內法中我不見一法令未生惡不善法生已生惡不善法重生令

增廣未生善法不生已生者令退所謂不正思惟諸比丘不正思惟者未生邪見令生已

生者重生令增廣未生正見令不生已生者令退如是未生邪志邪語邪業邪命邪方便邪念邪定令生已生者重生令增廣未生正

志正語正業正命正方便正念正定不生已生者令退諸比丘我於內法中不見一法未生善法令不生已生惡不善法令滅未生善法令生已生善法重生令增廣如說正思惟諸比丘正思惟者令未生邪見不生已生邪見令滅未生正見令生已生正見重生令增廣如是未生邪志邪語邪業邪命邪方便邪念邪定令不生已生者令滅未生正志正語正業正命正方便正念正定令生已生者重生令增廣佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園爾時世尊告諸比丘於外法中我不見一法令未生惡不善法生已生惡不善法重生令增廣如說惡知識惡伴黨惡隨從諸比丘惡

知識惡伴黨惡隨從者能令未生邪見今生  
已生邪見重生令增廣如是未生邪志邪語  
邪業邪命邪方便邪念邪定令生已生者重  
生令增廣諸比丘外法中我不見一法令未  
生惡不善法不生已生惡不善法<sup>第十八</sup><sub>十三</sub>令滅如說  
善知識善伴黨善隨從諸比丘善知識善伴  
黨善隨從者能令未生邪見不生已生邪見  
令滅未生邪志邪語邪業邪命邪方便邪念  
邪定不生已生者令滅佛說此經已諸比丘  
聞佛所說歡喜奉行

如是我聞一時佛住舍衛國祇樹給孤獨園  
爾時世尊告諸比丘於外法中我不見一法  
能令未生善法生已生善法重生令增廣如  
說善知識善伴黨善隨從諸比丘善知識善  
伴黨善隨從者能令未生正見生已生正見

重生令增廣如是未生正志正語正業正命  
正方便正念正定令生已生者重生令增廣  
佛說此經已諸比丘聞佛所說歡喜奉行  
如是我聞一時佛住舍衛國祇樹給孤獨園  
爾時世尊告諸比丘於外法中我不見一法  
能令未生惡不善法生已生惡不善法重生  
令增廣未生善法不生已生善法令滅如說  
惡知識惡伴黨惡隨從諸比丘惡知識惡伴  
黨惡隨從者能令未生邪見今生已生邪見  
者重生令增廣未生正見不生已生正見令  
退如是未生邪志邪語邪業邪命邪方便邪  
念邪定令生已生者重生令增廣未生正志  
正語正業正命正方便正念正定令不生已  
生者令退諸比丘於外法中我不見一法能  
令未生惡不善法不生已生惡不善法令滅

未生善法令生已生善法重生令增廣如說  
善知識善伴黨善隨從諸比丘善知識善伴  
黨善隨從能令未生邪見不生已生邪見令  
滅未生正見今生已生正見重生令增廣如  
卷八  
是未生邪志邪語邪業邪命邪方便邪念邪

十四

定令不生已生者令滅未生正志正語正業  
正命正方便正念正定今生已生者重生令

增廣佛說此經已諸比丘聞佛所說歡喜奉

行

如是我聞一時佛住舍衛國祇樹給孤獨園

爾時世尊告諸比丘於內法中我不見一法

能令未生惡不善法生已生者重生令增廣

未生善法不生已生者令退如說不正思惟

諸比丘不正思惟者能令未生邪見生已生

邪見令重生增廣未生正見不生已生正見

令退諸比丘於內法中我不見一法能令未  
生惡不善法令不生已生惡不善法令滅未  
生善法令生已生善法重生令增廣如說正  
思惟諸比丘正思惟者能令未生邪見不生  
已生者令滅未生正見今生已生者重生令  
增廣佛說此經已諸比丘聞佛所說歡喜奉  
行

如說邪見正見如是邪志正志邪語正語邪  
業正業邪命正命邪方便正方便邪念正念  
邪定正定七經如上說如內法八經如是外  
卷八  
法八經亦如是說

十五

如是我聞一時佛住舍衛國祇樹給孤獨園  
爾時世尊告諸比丘有非法是法諦聽善思  
當爲汝說何等爲非法是法謂邪見非法正  
見是法乃至邪定非法正定是法佛說此經

已諸比丘聞佛所說歡喜奉行

如非法是法如是非律正律非聖是聖不善  
法善法非習法習法非善哉法善哉法黑法  
白法非義正義卑法勝法有罪法無罪法應  
去法不去法一一經皆如上說

如是我聞一時佛住拘睞彌國瞿師羅園爾  
時尊者阿難亦在彼住有異婆羅門來詣尊  
者阿難所與尊者阿難共相問訊慰勞問訊  
慰勞已退坐一面白尊者阿難欲有所問寧  
有閑暇爲記說不阿難答言隨汝所問知者  
當答婆羅門問尊者阿難何故於沙門瞿曇  
所出家修梵行阿難答言婆羅門爲斷故復  
問斷何等答言貪欲斷瞋恚愚癡斷又問阿  
難有道有跡能斷貪欲瞋恚愚癡耶阿難答  
言有謂八聖道正見正志正語正業正命正

方便正念正定婆羅門言阿難賢哉之道賢  
哉之跡修習多修習能斷斯等貪欲恚癡尊  
者阿難說是法時彼婆羅門聞其所說歡喜  
隨喜從座起去

如斷貪恚癡如是調伏貪恚癡及得涅槃及  
獸離及不趣涅槃及沙門義及婆羅門義及  
解脫及苦斷及究竟苦邊及正盡苦一一經  
皆如上說

如是我聞一時佛住舍衛國祇樹給孤獨園  
爾時世尊告諸比丘有邪有正諦聽善思當  
爲汝說何等爲邪謂邪見乃至邪定何等爲  
正謂正見乃至正定何等爲正見謂說有施  
贊人十六有說有齋有善行有惡行有善惡行果報有  
此世有他世有父母有衆生生有阿羅漢善  
到善向有此世他世自知作證具足住我生

已盡梵行已立所作已作自知不受後有何等爲正志謂出要志無恚志不害志何等爲正語謂離妄語離兩舌離惡口離绮語何等爲正業謂離殺盜淫何等爲正命謂如法求衣服飲食卧具湯藥非不如法何等爲正方便謂欲精進方便出離勤競堪能常行不退何等爲正念謂念隨順念不妄不虛何等爲正定謂住心不亂堅固攝持寂止三昧一心佛說此經諸比丘聞佛所說歡喜奉行

如是我聞一時佛住舍衛國祇樹給孤獨園爾時世尊告諸比丘如上說差別者何等爲正見謂正見有二種有正志世俗有漏有取轉向善趣有正見是聖出世間無漏無取轉向善趣有正見是聖出世間無漏無取轉向苦邊何等爲正見有漏有取向正盡苦轉向苦邊何等爲正見有施有說乃至知世 有阿

羅漢不受後有是名世間正見世俗有漏有取向於善趣何等爲正見是聖出世間無漏無取正盡苦轉向苦邊謂聖弟子苦苦思惟集滅道道思惟無漏思惟相應於法選擇分別推求覺知黠慧開覺觀察是名正見是聖出世間無漏不取正盡苦轉向苦邊何等爲正志謂正志有二種有正志世俗有漏有取向於善趣有正志是聖出世間無漏不取正盡苦轉向苦邊何等爲正志有世俗有漏有取向於善趣謂正志出要覺無恚覺不害覺是名正志世俗有漏有取向於善趣何等爲正志是聖出世間無漏不取正盡苦轉向苦邊謂聖弟子苦苦思惟集滅道道思惟無漏思惟相應心法分別自決意解計數立意是名正志是聖出世間無漏不取正盡苦轉向

苦邊何等爲正語正語有二種有正語世俗  
有漏有取向於善趣有正語是聖出世間無  
漏不取正盡苦轉向苦邊何等爲正語世俗  
有漏有取向於善趣謂正語離妄語兩舌惡  
口綺語是名正語世俗有漏有取向於善趣  
何等正語是聖出世間無漏不取正盡苦轉  
向苦邊謂聖弟子苦苦思惟集滅道道思惟  
除邪命貪口四惡行諸餘口惡行離於彼無  
漏遠離不著固守攝持不犯不度時節不越限防是名正  
業是聖出世間無漏不取正盡苦轉向苦邊  
何等爲正命正命有二種有正命是世俗有  
漏取轉向善趣有正命是聖出世間無漏不  
取正盡苦轉向苦邊何等爲正命世俗有漏  
有取轉向善趣謂如法求衣食卧具隨病湯  
藥非不如法是名正命世俗有漏有取轉向  
善趣何等爲正命是聖出世間無漏不取正  
盡苦轉向苦邊謂聖弟子苦苦思惟集滅道  
道思惟於諸邪命無漏不樂著固守執持不  
犯不越時節不度限防是名正命是聖出世  
間無漏不取正盡苦轉向苦邊何等爲正方

聲八

十

業是聖出世間無漏不取正盡苦轉向苦邊  
謂聖弟子苦苦思惟集滅道道思惟除邪命  
貪身三惡行諸餘身惡行數無漏心不樂著  
固守執持不犯不度時節不越限防是名正  
業是聖出世間無漏不取正盡苦轉向苦邊  
何等爲正命正命有二種有正命是世俗有  
漏取轉向善趣有正命是聖出世間無漏不  
取正盡苦轉向苦邊何等爲正命世俗有漏  
有取轉向善趣謂如法求衣食卧具隨病湯  
藥非不如法是名正命世俗有漏有取轉向  
善趣何等爲正命是聖出世間無漏不取正  
盡苦轉向苦邊謂聖弟子苦苦思惟集滅道  
道思惟於諸邪命無漏不樂著固守執持不  
犯不越時節不度限防是名正命是聖出世  
間無漏不取正盡苦轉向苦邊何等爲正方

便正方便有二種有正方便世俗有漏有取轉向善趣有正方便是聖出世間無漏不取正盡苦轉向苦邊何等爲正方便世俗有漏有取轉向善趣謂欲精進方便超出堅固建立堪能造作精進心法攝受常不休息是名

聲八

十九

正方便世俗有漏有取轉向善趣何等爲正方便是聖出世間無漏不取正盡苦轉向苦邊謂聖弟子苦苦思惟集滅道道思惟無漏念相應若念隨念重念憶念不妄不虛憶念相應心法欲精進方便勤踊超出建立堅固堪能造作精進心法攝受常不休息是名正方便是聖出世間無漏不取正盡苦轉向苦邊何等爲正念正念有二種有正念世俗有漏有取轉向善趣有正念是聖出世間無漏不取正盡苦轉向苦邊何等爲正念世俗有漏有取轉向善趣何等爲正定是聖出世間無漏不取正盡苦轉向苦邊何等爲正定是聖出世間無漏不取正盡苦轉向苦邊何等爲正定世俗有漏有取轉向善趣若心住不亂不動攝受寂止三昧一心是名正定世俗有漏有取轉向善趣何等爲正定是聖出世間無漏不取正盡苦轉向苦邊謂聖弟子苦苦思惟集滅道道思惟無漏思惟無漏念相應心法住不亂不散攝受寂止三昧一心是名正定是聖出世間無漏不取正盡苦轉向苦邊佛說此經已諸比丘

聞佛所說歡喜奉行

如是我聞一時佛住舍衛國祇樹給孤獨園  
爾時世尊告諸比丘若比丘心向邪者違背  
於法不樂於法若向正者心樂於法不違於  
法何等爲邪謂邪見乃至邪定何等爲正謂  
正見乃至正定佛說此經已諸比丘聞佛所  
聲入二十說歡喜奉行

如是我聞一時佛住舍衛國祇樹給孤獨園  
爾時世尊告諸比丘向邪者違於法不樂於  
法向正者樂於法不違於法何等爲向邪者  
違於法不樂於法謂邪見人身業如所見口  
業如所見若思若欲若願若爲彼皆隨順一  
切得不愛果不念不可意果所以者何以見  
惡故謂邪見邪見者起邪志邪語邪業邪命  
邪方便邪念邪定是向邪者違於法不樂於

法何等爲向正者樂於法不違於法謂正見  
人若身業隨所見若口業若思若欲若願若  
爲悉皆隨順得可愛可念可意果所以者何  
見者謂正見正見者能起正志正語正業正  
命正方便正念正定是名向正者樂於法不  
違於法佛說是經已諸比丘聞佛所說歡喜  
奉行

如是我聞一時佛住舍衛國祇樹給孤獨園  
爾時世尊告諸比丘向邪者違於法不樂於  
法向正者樂於法不違於法何等爲向邪者  
聲入二十一違於法不樂於法若邪見人身業如所見口  
業如所見若思若欲若願若爲彼皆隨順一  
切得不愛果不念不可意果所以者何惡見  
謂邪見邪見者起邪志邪語邪業邪命邪方  
便邪念邪定譬如苦果種著地中隨時溉灌

彼得地味水味火味風味一切悉苦所以者何以種苦故如是邪見人身業如所見口業如所見若思若欲若願若爲悉皆隨順彼一切得不愛不念不可意果所以者何惡見者謂邪見邪見者能起邪志乃至邪定是名向

邪者違於法不樂於法何等爲正者樂於法不違於法若正見人身業如所見口業如所見若思若欲若願若爲悉皆隨順彼一切得可愛可念可意果所以者何善見謂正見正見者能起正志乃至正定譬如甘蔗稻麥蒲桃種著地中隨時溉灌彼得地味水味火味風味彼一切味悉甜美所以者何以種子甜故如是正見人身業如所見口業如所見若思若欲若願若爲悉皆隨順彼一切得可愛可念可意果所以者何善見者謂正見正見

者能起正志乃至正定是名向正者樂於法不違於法佛說此經已諸比丘聞佛所說歡喜奉行世間出世間亦如是說如上三經亦皆說偈言

鄙法不應近 放逸不應行 不應習邪見增長於世間 假使有世間 正見增上者雖復百千生 終不墮惡趣

佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園

登八

十三

時有生聞婆羅門來詣佛所稽首佛足與世尊面相問訊慰勞已退坐一面白佛言瞿曇所謂正見者何等爲正見佛告婆羅門正見有二種有正見世俗有漏有取轉向善趣有正見是聖出世間無漏不取正盡苦轉向苦

邊何等爲正見世俗有漏有取轉向善趣謂  
正見有施有說有齋乃至自知不受後有婆  
羅門是名正見世俗有漏有取向於善趣婆

羅門何等爲正見是聖出世間無漏不取正  
盡苦轉向苦邊謂聖弟子苦苦思惟集滅道  
道思惟無漏思惟相應於法選擇分別求覺  
乃便黠慧觀察是名正見是聖出世間無漏  
不取正盡苦轉向苦邊佛說此經已生聞婆  
羅門聞佛所說歡喜隨喜從座起去  
如正見如是正志正語正業正命正方便正  
念正定一一經如上說

如是我聞一時佛住舍衛國祇樹給孤獨園  
爾時世尊告諸比丘有邪有邪道有正有正  
道諦聽善思當爲汝說何等有邪謂地獄畜  
生餓鬼何等爲邪道謂殺盜邪淫妄語兩舌  
惡口绮語貪恚邪見何等爲正謂人天涅槃  
何等爲正道謂不殺不盜不邪淫不妄語不  
兩舌不惡口不绮語無貪無恚正見佛說此  
經已諸比丘聞佛所說歡喜奉行

如是我聞一時佛住舍衛國祇樹給孤獨園  
爾時世尊告諸比丘如上說差別者何等爲  
惡趣道謂殺父殺母殺阿羅漢破僧惡心出  
佛身血餘如上說佛說此經已諸比丘聞佛

爲正謂人天涅槃何等爲正道謂正見乃至  
正定佛說此經已諸比丘聞佛所說歡喜奉  
行

所說歡喜奉行

如是我聞一時佛住舍衛國祇樹給孤獨園爾時世尊告諸比丘有順流道有逆流道諦聽善思當爲汝說何等爲順流道謂邪見乃至邪定何等爲逆流道謂正見乃至正定佛

說此經已諸比丘聞佛所說歡喜奉行

如順流逆流如是退道勝道下道上道及三

經道跡亦如上說

如是我聞一時佛住舍衛國祇樹給孤獨園爾時世尊告諸比丘有沙門法及沙門果諦聽善思當爲汝說何等爲沙門法謂入聖道正見乃至正定何等爲沙門若成就此法者是名沙門佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園

爾時世尊告諸比丘有沙門法沙門義何等爲沙門義謂貪欲永盡瞋恚愚癡永盡一切煩惱永盡是名沙門義佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園

爾時世尊告諸比丘有沙門法及沙門果諦聽善思當爲汝說何等爲沙門法謂入聖道正見乃至正定何等爲沙門果謂須陀洹果斯陀含果阿那含果阿羅漢果佛說此經已諸比丘聞佛所說歡喜奉行

雜阿含經卷第二十八

音釋

翼從翼與職切衛也空口送切鞭卑連切  
也軶從疾用切侍也軶馬勒也軶驅馬策  
車軶於革切摩靡為切車摩雨元切  
也摩剎日摩轉駕也